

THE HISTORY OF THE CITY OF BOSTON

BY
JOHN H. COLEMAN

欽定平定陝甘新疆回匪方略卷五十八

癸亥

欽定四庫全書

欽定四庫全書

十二月二十日 壬辰 慶昫常陞奏言逆回

肅清

城後益無顧忌日肆窺探 臣等勉策飢軍盡心

防守惟軍火緊急籌備宜多查甯夏甯朔二縣

每歲例供滿城操防火藥共八千六百五十餘

斤烘藥二百餘斤鉛丸一千六百三十餘斤鐵

礮子三十餘斤近年積欠甚多屢催罔應軍火

實不敷用相應請

旨飭下山西撫臣在於殺虎口一帶各營就近迅撥火

藥五千斤烘藥五千斤鉛子六千二百斤火繩
五千丈派員馳送甯夏滿城備用再查十一月
初二日官軍與賊接仗佐領海郎阿驍騎校伊
勒哈春均力戰陣亡合無籲懇

天恩飭部將該二員分別議卹同時陣亡之休致驍騎

校雅爾杭阿及兵丁二十三名並傷亡四名均
請照例議卹受傷之佐領薩英阿可否

賞給升銜之處出自

鴻慈雲騎尉連惠攜眷潛逃應請

旨卽行革職一俟拏獲治以軍法以昭炯戒奏入

上命議政王軍機大臣傳諭慶昫常陞誦欽沈桂芬曰
回逆兇燄臨張甯夏滿城危急亟須寬籌守備之具

而軍火尤屬急需卽著沈桂芬在殺虎口一帶營頭
趕緊籌撥火藥五千斤烘藥五千斤鉛子六千二百
斤火繩五千丈剋期揀派妥員解往甯夏滿城備用
其應由草地行走抑或可由內地取道前往卽由沈
桂芬偵查確實酌量情形辦理總期此項軍火得以
迅速解到甯夏滿城俾應急需毋稍延誤該撫前奏
晉省防河楚勇業已遵旨留防當經寄諭劉長佑訥

欽飭令迅將直省派撥官兵卽由訥欽帶領速由歸
朔一路進發並令劉長佑源源接濟現在甯夏滿城
待援孔急請欽接奉前旨務卽星速帶兵前進行抵
歸綏一帶偵察甘省軍情力圖援救慶昫仍當激勵
城中軍民設法維持竭力固守以待援濟並著行知
阿拉善旗就近先籌接濟糧餉軍食等項該王旗向
有鹽池水利生聚頗殷此時如可接濟地與甯夏毗

連運解尙能應急將來軍餉解到或事平之後籌款
歸還諒該王旗力有可及必能踴躍急公力籌協濟
也慶昫所請將出力傷亡員弁兵丁分別獎卹著照
所請佐領薩英阿著賞加協領銜陣亡佐領海郎阿
著交部從優照協領陣亡例議卹驍騎校伊勒哈春
著照防禦陣亡例議卹休致驍騎校雅爾杭阿及陣
亡兵丁二十三名傷亡兵丁四名均著照例分別議

卹雲騎尉連惠攜眷潛逃著卽革職並著慶昫等嚴拏務獲處以軍法以昭炯戒

二十一日癸巳恩麟奏言東路回匪自攻陷平涼

之後與陝匪勾連勢益鷗張屢欲窺竄隆靜該處駐兵無多雖連獲勝仗而賊衆兵單誠恐遽難奏效慶陽後路尤爲可虞星催川省援兵並咨催新任甘肅提督陶茂林飛速督兵來甘共

籌勦辦詎意催調頻仍至今迄無一兵一將前來惟有嚴飭各路文武設法整飭現有兵勇民團盡力防勦以待援師至東路涇州所屬之崇信靈臺均有回匪巢穴與陝西邠州鳳翔賊匪聲息相通自本郡失陷陝甘之匪已成一氣涇州四面皆爲賊藪該署州林發深豫練民團嚴密布置賊匪疊次竄擾均經擊退得以保全自

平涼失事人心搖動更形危急適慶陽兵勇趕到軍威稍振近接慶陽來文又有另股賊匪潛竄慶陽後路九月十三日攻陷環縣所屬之紅德城現將派赴涇州之遊擊馬天祥原帶兵勇六百餘名調回慶陽勦辦涇州存兵更形單薄又疊接東路探報多隆阿新督諸軍勦辦鳳翔一帶賊匪連獲勝仗鳳郡解圍各匪被勦紛紛

竄入甘境與平涼賊匪合夥勢益猖獗臣等查
甘省地方自去歲賊匪肆起各處籌辦防剿存
營兵數無多不敷抽調協餉亦無分釐解到現
接准陝省來文謂大軍由鳳翔一帶節節進剿
以爲援甘之師爲陝省計則誠善矣似未計及
賊竄入甘積疲之區萬難固守惟有仰乞

天恩速飭提督陶茂林統率勁旅就近馳赴秦州與鞏

秦階道林之望所統兵勇互相聯絡出賊不意
迅將附近賊壘剿毀則各路賊匪自必膽懾一
面再與在陝諸軍四面兜剿賊匪無隙可逃庶
可早就殲滅

恩麟又奏言據代辦提督遊擊梁生嶽聲稱靈
州回目馬化澂一股均尙恭順當此兵力不足
惟有權示羈縻至於甯夏平羅等處漢回互相

麟殺甯夏將軍慶昫令該遊擊與甯夏府呂際
詔親歷回莊曉諭開導各回目懇求查辦機有
可乘而甯夏道侯雲登意總遲疑有漢團王添
德自稱道署總役帶領二三百人燒殺回莊因
而回衆報復疑爲該道指使臣接慶昫來信亦
以侯雲登於勦撫兩端猶豫不決致使漢回均
有煩言殊難商辦當將侯雲登撤調來省訊辦

一面檄委候補道和祥署理茲接和祥中途來
稟聞得二十四日五更時分城內道署忽然火
起瞥見回匪多人肆行喊殺甯夏道侯雲登業
已被害知府呂際韶自戕其餘尙不知下落城
門已閉等語當飭該署道和祥卽行駐紮中衛
督飭城鄉兵勇民團扼要嚴防以杜紛竄一面
飛稟甯夏將軍迅籌勦捕俟確查起事情由再

行馳奏

恩麟又奏言現在陝匪被勦紛竄入甘賊黨愈衆探聞賊中不少被裏良回爲威勢所脅不敢自拔來歸此時如趕緊分派勁旅前來大張討伐匪衆傲懼自成瓦解目下東路雖有督臣熙麟駐紮慶陽惟所部兵勇無多又無提鎮大員統率攻勦止可牽掣賊勢難以擣穴擒渠若使

多隆阿會同提督陶茂林赴甘與熙麟一軍聯絡聲勢兩路夾擊庶可早就殲除第陶茂林係多隆阿所部惟聽該將軍指揮若令督臣節制恐難融洽仰懇

天恩特派多隆阿督辦陝甘兩省軍務責令通籌兼顧淨掃妖氛以靖邊圉

恩麟又奏言軍興之際糧餉爲先甘省係瘠苦